

heit/ amplexui/ der freuntliche vmbfachong  
sein selbs yn etlicher weiß zuſieglich vñ quem  
lich wer/ also dz ſy yn der ewige ſelikeit mit d  
aller vbertreffenlichſte dryeinikeit/ oder try  
vultikeit/ yn vollkomner Le vermehelt vnnd  
vereiniget möchte ſein ¶ Vñ dannoch auch  
yetz yn dem weg wallend zu den yetz beſtymp  
ten dreyen perſonen der götliche einikeit/ in jr  
dreyen krefften/ mit einer natürlichen begird en  
zünt wer/ oder möchte ſein. ¶ Zu der erſte ober  
ſte warheit/ nach der vernunfftige krafft/ zu  
der erſte vnd oberſte gütē oder güttheit/ nach  
der begirliche krafft/ vnnd zu der erſte oberſte  
maieſtat/ nach der zornliche krafft. ¶ Vñ die  
drey kreffte dannoch auch/ hie ym zeit behol  
fen vnnd zunemen würde/ Die erſt durch den  
glawben/ Die ander durch die liebe/ Vnd die  
dryt durch die hoffnung/ wie dan der pphet  
in diſen dreyen begirden entzünt ſprach/ Quē  
admodum Als der hirs begert zu den bron  
nen der wasser/ also begert mein ſel zu dir got  
meinem herren/ Mein ſel hat gedürſt zu got  
dem lebendigen bronnen. ¶ Wan kom ich vñ  
erſchein vor dē angeſicht meines gotes/ Dar  
zu ſpricht Salomon Prover. xj. Deſideriū.  
Die begird der gerechten iſt das güt dz dann  
got ſelbs iſt.

### Von dreyerley begirden

die dan dei menſchlich natur hat/ wann ſy  
zerſtört iſt.



**Z**um andern/ lat vns hie bedenken/  
vnd aneſchowen/ die menſchliche  
begird/ nach dem vnd ſy iſt yn der  
zerſtörte natur/ yn der wir dan ge  
boren werden/ ſo finden wir ein vnmitte böſ  
liche zerſtörung/ yn allen vnſeren krefften der  
ſel ſcz yn der vernunfftige oder verſtentliche

yn der begirliche/ vnd in der zornliche krafft  
¶ Zum erſten/ yn der verſtentliche/ wann wir  
ſeyen wandlen yn der finſternus/ vnd in dem  
ſchatten des tods. ¶ Welche finſternus dann  
yn den wir ſeyen des oberſten ſchophers füß  
ſtaffen/ nachuolgend den creaturen/ mit vn  
ſern verblenten awgen ſehen tū die war  
heit gotes/ zu gleicher weiß/ als yn der nacht  
durch ein kleinen füßſtaffen/ vñ dünnen ſcha  
ten alicui<sup>9</sup> rei/ eines dings/ mit leibliche aw  
gen/ die dan verblent/ oder verdunkelt ſind  
ipſa res dz ding geſehen wirt/ ja das noch  
wonderbarlicher iſt/ zu zeiten ein heß oder ein  
wald/ ein höß/ oder ein reyſiger zeug geſehen  
wirt. ¶ Also ein yrende verblente vernunfft/  
oder verſtentnus begriffte/ oder verſtat/ das  
mit/ das ſy anſtat der oberſte warheit/ mit ye  
rer begird vmbſacht vmbiam vanitatis.  
den ſchatten der yppikeit/ das dan ſeyend dye  
zeitliche gütē. Sap. viij. Die gleichnus d  
konſt iſt einer Begerē/ die dan die war küſt mit  
iſt ſv vanitas falſa SOND ein falſche yppi  
keit/ Von den der prophet ſpricht yn der per  
ſon des herren Dimiſe eos. Ich hab ſy ver  
laſen nach der begird yeres hertzen/ Sy wer  
den für gon/ oder hyn gon/ yn yr findongen/  
oder ſüſtongen/ dz iſt yn yr ſünden/ wan der  
menſch yn jm ſelbs nichts anders finden mag  
¶ Zum andern ſo finden wir auch yn der be  
girliche krafft ein zerſtörung/ dz dan offenbar  
iſt/ ſo der will des meſchen/ ſo mit groſſer be  
gird vmeſacht/ vñ nachuolget yn den fleiſch  
lichen gütē die füßſtaffen/ diuine bonitatis  
der götliche güttheit/ vñ mit ſölicher groſſer  
liebe/ ſo arbeit ſelenglichen yn ynen begriffen  
verſtrikt/ vnd vnabzogenlich behalten wirt  
dz er vergeſſenlichen/ der aller vberlawffende  
gütē oder güttheit nit achten iſt/ noch ſicht  
dz die nür ein die aller mynſte füßſtaffen der  
ſeye/ vnd zu der berieffen oder laden ſeye/ ſon  
der yn den yere rüw ſüchet/ darumb ſich dan  
die ſel zu dē leſten in yr begird betrogen vnd  
vuntruwet ſint. ¶ Zum dryten/ ſo finden wir  
auch ein zerſtörung yn der zornliche krafft/  
Wann ſo wenig die höhe der gotheit yn den  
abgöten oder ſternen/ in den tewffelschlichen  
geſpenſen/ vnnd loſongen erſcheinen möchte/  
ſo bald ſeyed die meſche geneigt das zu glaw  
ben/ oder anbeten vnd vmeſachen/ Wan vns  
angeboren iſt/ dz wir zu den hohen dingen ge  
neigt ſeyen/ aber zu der aller vbertreffenlich  
ſte höhe der götliche adelheit/ mit auß der na  
türliche zerſtörung/ ſonder auß einer gütē na  
LE ij

## Das funfft buch

nürliche auffsetzung yn der dan vnser ersten  
sez Adam vnnnd Eua von der sünd wasen/  
¶ Vgond seyen wir am meisten geboren/dz  
wir gedemütiget werden/vnnnd der aller auß  
erste denstbarkeit vnderworfen. Daruß wir  
dan auch in diser zerstörllichkeit yn der wir ge-  
boren werden yere fußstaffen für sy vmfahen  
Vnd also betrogen an yr stat yeren fußstaf-  
fen anhangen.

### Von den dreyen krefften

der sel/wan sy frey ist yn in wilcküre zu erwele  
das güt/oder das böß.

**Z**um dryten lat vns bedenken/vnd  
aneshorwen die mēschliche begird  
nach dē vñ sy yn jr natur frey/vnd  
vnbewongen ist/so finden wir yn  
yr drey vnmügl cheit/nach yr dreyen sonder-  
lichen krefften/sez der vernünfftige/der begir-  
liche/vnnnd der zornliche kralfft. ¶ Zum ersten  
nach der vernünfftige kralfft/so ist vnmügl-  
lich dz die on einen glawben sey/vnd den er-  
biet dem sy süll/vnd den nit erbiet dem sy nit  
süll/Dem sy süll als got/vnnnd der heilige ge-  
schufft/die dan ynhelet die gesatz gotes/Vñ  
von den geschuiben stat *Ecci. xxxij.* Der ver-  
nünfftig mensch glawbt den gesatzten got-  
tes/ *Et. j. Corin. xij.* Die liebe glawbt alle  
ding/die dan zu glawben sind/Vnd nit den  
tewffeln/noch yrrongen/noch den ketzerey/  
noch den aberglawben/sternsenhern vnd Be-  
trüegern/vñ den geschuiben stat *Ad Rom. ij.*  
Denen die nit glawbend der warheit/sonder  
der bößheit vnd betrügenlicheit/wirt zu  
kommen der zorn gotes/angst vñ not/dürff-  
tigkeit/vnd vil betrübnuß. ¶ Zum andern/so  
ist vnmügllich/dz vnser begirliche kralfft sey  
on begird vnd wolneß/vnd den nit anhan-  
ge/oder vermist werd/den sy süll/od nit süll  
den sy süll got/vnd seinen ewigen gesatzten/  
den rechten gütten tugenden/vnd der gleich  
¶ Wan der ist gerecht/vnnnd lebt des lebes/  
das vntötlich ist/als dan geschuibe stat *Eze-  
chie. xviij.* Den sy nit süll/sez den pompen/  
reichkommen/wolneßten des fleischs/vñ la-  
stern/die dan auß den yeren vrsprung hond/  
als da seyend die vnkeuscheit/vnd geizikeit  
mitsamt allen hynfallenden zergenglichen  
dingen. ¶ Von den geschuiben *Sapie. xv.*  
*Maloriu amatores* Die liebhaber der bößen  
dingen/seyend würdig des tods/der on end  
ist/Wan sy yere hoffnung hond yn sölichen  
bößen dingen. ¶ Zum dryten/so ist vnmügl-

lich/dz vnser zornliche kralfft sey on alle eer er-  
bietong/vnd erkantnuß gotes/vñ die erbiet  
dem sy süll/Dem sy süll als got/dē aller höch-  
sten/wie wir dan yn vil andern capiteln von  
der bekantnuß vnd liebe obgeschuiben hond/  
*Et Math. iij.* Du solt got deinen herren an-  
beten/vnd dem allein denen. ¶ Oder dem sy  
nit süll als den tewffeln/beschweren/zobern/  
sternsenhern/vnd den andern creaturen/wan  
wider die geschuiben stat *Deutro. xxx.* Wirst  
du auß irrongen betrogen/vnd fremde göter  
anbeten/vñ yn den denen/so sag ich dir herwt/  
dz du verderben wirst/vnd in kurzer zeit ster-  
ben/auff dem ertrich. ¶ Vnd darumb/so die  
sel yetz kompt zu der freyheit yeres willes/  
*dicatur ei.* Wirt zu yr gesprochen/auß natür-  
licher gesagt/vnnnd ynsprechong/das dann  
geschuiben stat/ *primi Regum secundo.*  
*Tolle/sez de bono vel malo.* Nyem hyn vñ  
dem gütten oder dem bößen/so vil vnnnd dein  
sel begert/ *Et illud Ecclesia. xv.* Für den  
menschen ist gesetzt der tod/vnnnd das leben/  
das güt vñ das böß/was im gefelt das wirt  
ym gegeben. ¶ Auß disen dingen mügen wir  
yetzond wol verston/dz vnser vernünfftige  
kralfft/eintweders die reine keuscheit der edle  
*Et* wie obgeschuiben stat auß not behalt/od  
aber yn anderen yppigen dingen ebrüchig  
wirt. ¶ Der gleich/vnser begirliche kralfft/  
eintweders der erste aller hügelichofte güt-  
keit/die Eliche reinikeit helt/oder aber yn an-  
deren yppigen dingen ebrüchig wirt. ¶ Vnd  
zum dryten vnser zornliche kralfft/eintweders  
anhäge der aller höchsten vbertreffenlicheit  
yn eer erbietong/der behöliche denstbarkeit/  
vnd aller edelste gotz erong/vnd reuerenz/  
oder aber andern geschöphten vbertreffen-  
lichkeiten anhangen/vnd die denstbarkeit/vnd  
erong erbiet/die dan got allein zu behörend/  
vnd dan also auch ebrüchig werd/von yeren  
aller edlesten gespons/wie hie nach geschry-  
ben stat.

### Von d' andere begird des menschen.

**D**ie ander begird des mēschen wirt  
genant vermügllich/Wan yn den  
dreien krefften vnser sel so grönēd  
die begird der tugēd/das dan wol  
erscheinet yn der almechtigkeit vnserer vernüf-  
tige sel/nach yr drey sonderlichen krefften/sez  
der vernünfftige/der begirliche/vnd d' zorn-